



Inatsisartunut ilaasortamut
Jens Napātók
Partii Naleraq

02-02-2024
Sags nr. 2024 - 2256
Akt. id. 23843973

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

§ 37 naapertorlugu apeqput nr. 17-2024 Utoqqalinersiaqarnek pillugu akissuteqaat

Asasara Jens Napātók.

Apeqqutinut qujanaq. Apeqqutit ataasiakkaarlugit allanneqarput, akissutaannik malitseqartillugit.

1. Sooq-una utoqqaat aappaasup isertitai apeqqutaatinnangit utoqqalinersiuteqalernissaat 1. januar 2024-imiit atuutilersinneqanngitsoq?

Aappaasup isertitai tunngavigalugit utoqqalinersianik naatsorsuinermi malittarisassat 1. januar 2024 aallarnerfigalugu atorunnaarsinneqarput.

2. Sooq-una utoqqaat kisimiittut utoqqalinersiutit saniatigut immikkut tapermik pisarsimangaluartut immikkut tapermik pisinnaajunnaarsimasut?

Utoqqalinersiat toqqammaviusumik aningaasartaqarput aamma utoqqalinersianut tapeqarlutik. Utoqqalinersianut tapeq marlunnik akigititaqarpoq, utoqqalinersiallip inuttut atugai apeqqutaasarlutik. Taamaalilluni utoqqalinersianut tapeq utoqqalinersialinnut kisermaanut utoqqalinersialinnullu aappaqartunut tunniunneqartarluni. Utoqqalinersiallit tamarmik utoqqalinerisianut tapermik immikkoortut marluk malillugit tunineqartarput.

3. Utoqqaat pilersueqatigiittussaataitanerat suli atuutsinneqaramii?

Naamik malittarisassat nutaat malillugit, utoqqalinersiaqarnermut suliassaqarfimmi pilersuisussaaqatigiinnermik soqanngilaq.



Naalakkersuisut 2024-mi aningaasanut inatsimmut oqaasertaliussamik, 1. februar 2024-mi atuutilertussamik, saqqummiussipput, utoqqalinersialinnut aappaqartunut utoqqalinersiallit kisermaatut utoqqalinersianut tapermik tunineqarnissaannut periarfissiisumik. Utoqqalinersianut tapeq pillugu piumasaqaateqarpoq, aappaasoq utoqqalinersiaqassanngitsoq, aamma inoqutigiit isertitaat katillugit 300.000 kr-it inorlugit annertussuseqassasut. Naalakkersuisut isumaqarput malittarisassaq tamanna pilersuisussaaqatigiinnermut tunganngitsoq.

Inussiarnersumik inuulluaqqusillunga

Jess Svane